



Broj: 13-11-4-12198/25
Sarajevo, 22.01.2026. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU **o izboru najpovoljnijeg ponuđača**

I

Za najpovoljnijeg ponuđača za javnu nabavku radova „Izvođenje radova na rekonstrukciji postojeće i izgradnji nove vodovodne i separatne kanalizacione mreže u ulici Krivajska“, po provedenom postupku javne nabavke putem otvorenog postupka javne nabavke izabran je slijedeći ponuđač:

Mibral d.o.o. Sarajevo
sa ukupnom cijenom od 329.630,84 KM
(tristotinedvadesetdevethiljadašeststotinatrideset i 84/100 konvertibilnih maraka) sa PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-12198/25 od 02.12.2025. godine.

Procijenjena vrijednost javne nabavke sa PDV-om je: 330.000,00 KM (slovima: tristotinetridesethiljada i 00/100 konvertibilnih maraka).

Obavještenje o javnoj nabavci broj: 935-1-3-230-3-330/25 objavljeno je na Portalu javnih nabavki dana 25.12.2025. godine

Komisija za javnu nabavku roba, radova i usluga imenovana je Rješenjem Općinske načelnice broj: 01-01-11-4-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 15.01.2026. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	Mibral d.o.o. Sarajevo	329.630,84 KM
2.	Manjo d.o.o. Sarajevo	329.648,80 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Analizom cijene ponude ponuđača Manjo d.o.o. Sarajevo je konstatovano da ista sadrži računsku grešku. U skladu sa odredbama člana 9.5.1. tenderske dokumentacije ponuđaču Manjo d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača Manjo d.o.o. Sarajevo nakon ispravke računске greške iznosila je 329.577,54 (tristotinedvadesetdevethiljadpetstotinasedamdesetsedam i 54/100 konvertibilnih maraka) KM sa PDV-om.

Ponuda ponuđača Mibral d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača Manjo d.o.o. Sarajevo, Komisija je ocijenila kao **nepravilnu** iz sljedećeg razloga:

Tenderskom dokumentacijom u tački 7.4. „Tehnička i profesionalna sposobnost“ zahtijevano je da ponuđači trebaju ispunjavati minimalne uslove, između ostalog i sljedeće:

„ a) *uspješno iskustvo u realizaciji najmanje 1 (jednog) ugovora čija su karakter i kompleksnost isti ili slični onima koje se odnose na predmetnu nabavku (pod istim ili sličnim projektom se podrazumijeva projekat koji sadržava izvođenje separatne kanalizacione mreže od poliesterskih cijevi ili ductil cijevi i vodovodne mreže od ductil cijevi u okviru istog projekta), u posljednjih 5 (pet) godina, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, čija vrijednost mora biti minimalno 220.000,00 KM s PDV;*

U svrhu dokazivanja ispunjenosti uslova iz tačke a) ponuđači su dužni dostaviti sljedeće:

DOKAZ ZA a2): 1 (jedna) potvrda o uspješnoj realizaciji ugovora čiji su karakter i kompleksnost isti ili slični onima koje se odnose na predmetnu nabavku (pod istim ili sličnim projektom se podrazumijeva projekat koji sadržava izvođenje separatne kanalizacione mreže od poliesterskih cijevi ili ductil cijevi i vodovodne mreže od ductil cijevi u okviru istog projekta), čija vrijednost mora biti minimalno 220.000,00 KM s PDV (Dokument 4).

NAPOMENE:

- *U potvrdama mora biti jasno iskazano da su se uspješno realizovani ugovori čiji su karakter i kompleksnost isti ili slični onima koje se odnose na predmetnu nabavku (pod istim ili sličnim projektom se podrazumijeva projekat koji sadržava izvođenje separatne kanalizacione mreže od poliesterskih cijevi ili ductil cijevi i vodovodne mreže od ductil cijevi u okviru istog projekta), čija vrijednost mora biti minimalno 220.000,00 KM s PDV, u posljednjih 5 (pet) godina, računajući od*

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.

- *U slučaju da se potvrde iz objektivnih razloga ne mogu dobiti od ugovorne strane koja nije ugovorni organ, važi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde obezbijede.“*

Ponuđač Manjo d.o.o. Sarajevo je dostavio u sklopu svoje ponude (stranice 60 – 63) Potvrdu o uspješnoj realizaciji ugovora izdato od Općine Vogošća broj: 07-11-1945/24 od 04.04.2024. godine, i Potvrde o uspješnoj realizaciji ugovora izdate od Općine Novi Grad od 30.09.2024. godine i 24.08.2022. godine.

Navedene Potvrde o uspješnoj realizaciji ugovora ne zadovoljavaju traženo u sklopu tenderske dokumentacije iz razloga jer niti na jednoj Potvrdi nije navedeno da se radi o uspješnoj realizaciji ugovoru koji podrazumijeva projekat koji sadržava izvođenje separatne kanalizacione mreže od poliesterskih cijevi ili ductil cijevi i vodovodne mreže od ductil cijevi u okviru istog projekta.

Naime u Potvrdi o uspješnoj realizaciji ugovora izdato od Općine Vogošća broj: 07-11-1945/24 od 04.04.2024. godine, kao i Potvrdi o uspješnoj realizaciji ugovora izdate od Općine Novi Grad od 24.08.2022. godine se navodi da se radi o ugovorima na izvođenju radova na izgradnji separatne i primarne kanalizacione mreže, dok u Potvrdi o uspješnoj realizaciji ugovora izdate od Općine Novi Grad od 30.09.2024. godine, se navodi da se radi o ugovoru na izgradnji vodovodne distributivne mreže, što je u suprotnosti sa traženim u tenderskoj dokumentaciji, kojom je traženo da u potvrdama mora biti navedeno da se radi o projektu koji sadržava izvođenje separatne kanalizacione mreže od poliesterskih cijevi ili ductil cijevi i vodovodne mreže od ductil cijevi u okviru istog projekta.

Iz naprijed navedenih razloga, ponuda ponuđača Manjo d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	Mibral d.o.o. Sarajevo	329.630,84 KM

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču Mibral d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniže cijena, u ukupnom iznosu ponude od 329.630,84 KM (tristotinedvadesetdevethiljadašeststotinatrideset i 84/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić